

山右石刻叢編

山右石刻叢編卷十三

陽明山志卷之十三 陽明山志卷之十三 陽明山志卷之十三 陽明山志卷之十三 陽明山志卷之十三

宋

寶雲寺經幢

幢入面高三尺每面廣五寸四行行三十  
字至三十九字不等正書今在浮山縣

佛頂尊勝陀羅尼之幢 經文不錄

沒故前院宰類公幢銘 并序

延慶院主重偁

法華永懷

供養主智優

夫二儀肇啓三才煥然銘以邈其殊姿誄以徽其碩德是故  
金田茂宰命無嘉譽之稱寶地綱維詎不仰揚之慶者哉沒

故額公上人本貫當郡路城縣白兔村人也俗姓苗氏昔宗  
楚大夫之嗣也公卯疑之歲無戀竹馬鬻塵齟亂之年有樂  
聚沙真際于長興三禊披緇齒錄護鵝行聳無口照然著矣  
救燈名高獨秀絕後光前飛瓶錫以南游忽思鄉而北返夏  
臘縱心享年耄矣身遭无妄生根於淨方體苒有加啓手於  
金界致以山嶽崩摧千林之變白江河鳴噎萬嶽之渝霜資  
慟漣濡痛法幢之圯□□咸茹歎噫慧海之隳航遂乃香油  
灌迹白旛纏身火滅煙消靈骨放霞光徧野灰燼從風戒珠  
圓灼曜盈□乃卜壽宮踞院西地粗陳執紼之儀用表粉身  
之念慮時光兮革易恐風俗兮變更爰命刊珣顯彰遠世

小師惠廣

昔皇宋明道二年歲次癸酉姑洗用丙寅朔初七日壬申

建

按碑云顓公上人本貫當郡潞城縣白兔村人今潞城縣志西鄉諸村圖有東西白兔村以碑證之則實宋舊村名碑云俗姓苗氏楚大夫之嗣唐書宰相世系表苗氏出自芊姓楚鬬越椒子賁皇奔晉晉侯與之苗邑因以爲氏其地河內軹縣南有苗亭卽其地也上黨長子縣有苗龍夔曾孫晉卿相肅宗代宗此云潞城人同隸上黨或亦其族也碑有長興三禩文是顓公於唐明宗時爲僧至宋明道歷五朝十三君而始歿觀變亦多矣

皇宋放商鹽頌碑

碑高五尺八寸廣二尺五寸十六行行五十四字字徑九分分書今在安邑縣

皇宋放商鹽頌并序

朝請郎守尚書度支員外郎充集賢校理知解州軍州兼  
管內勸農提點兩池鹽場事輕車都尉賜緋魚袋偕紫張

仲尹 撰

睿聖文武體天濔道仁明孝德皇帝續臨大審承天之序昭  
顯令惠納民于中英聲茂實靡不攸暨萬務成憲底于太寧  
乃眷解梁沃饒近監駕鹽之役人用告勞日屈月諸奏牘交  
委 上知而憫之乃擇大臣中孰於利害者議定可否  
以聞繇是參酌古今考詳微隱列狀而上僉以放商為便翌  
日頒 詔自三京而下數十州罷總榷之法於入官之  
直止取其口餘之羨剩歸於民間命令既口公私咸勑細口  
巨賈雲屯櫛比千艘萬軸水行陸進出納之數晝夜無窮以  
是解之民無少長踴稱慶更相口曰禁網既緩為一定之

制咸別滋味用廣貨□又而今而後絕蕩離之患保父子兄  
弟守先人之廬無非辜無濫刑享終天年以續世緒熙熙然  
□太平民也守臣仲尹聞而美之曰□□聖人在於上非  
專利於□而與民共其利非利於壹時而利於千古也孟子  
曰亦有仁義而已矣觀斯□是謂發明王道抑薄霸業□□  
□□王常行之典也書云知之非艱行之惟艱其是之謂矣  
我皇帝貽謀□□六葉繼明□□□□□□□□□□  
□□□清□源敢謂□□□之微而得王道之深矣俾噍噉  
之俗蹈華胥之樂反拂鬱之氣協沖一之味見之於今日矣  
下臣醺酣

聖謨沐浴

醴化嗟歎不足敢揚頌聲辭曰

惟皇御極欽崇儉德稽古行道體天立極乃眷解梁孕茲

寶澤出若波注□如山積歲運所須日勞民力道塗之上晝  
夜不息車無□□程宰雲省尾相貫上下成羣輦于太倉  
在河之濱替責峻厲怨懟紛紜資隨產竭名由籍存飛章疊  
至 睿聽升聞爰命法臣□□害宜停總權俾臻闡

闕惠民之餘實邊為大官□惟弋商獲其倍舟運車□輸金  
納賄普率之下公私咸賴 聖念曰威德音□□□□

□□致利于商彼□□霸我尚于王率由中道表□ 皇  
綱還淳反樸超虞逸唐形諸頌聲勒石流芳

趙郡□□□□

明道二年歲在癸酉夏六月甲午朔十一日甲辰建 儒

□郎試祕書省校書郎監解縣鹽池兼理縣事梁堅書

此放商鹽頌張仲尹撰梁堅分書文云解梁沃饒近監駕

鹽之役人用告勞日居月諸奏牘交委上知而憫之乃擇大臣中孰於利害者議定可否以聞繇是參酌古今考詳微隱列狀而上僉以放商爲便翌日頒詔自三京而下數十州罷總榷之法於入官之直止取其闕餘之羨剝歸於民按食貨志天聖八年上半年上書者言縣官禁鹽得利微而爲害博兩池積鹽爲阜其上生木合抱數莫可較宜聽通商平估以售可以寬民力詔翰林學士盛度御史中丞王隨議更其制度因畫通商五利上之曰方禁商時伐木造船輦運兵民不勝疲勞今去其弊一利也陸運旣差帖頭又役車戶貧人懼役連歲遁逃今悉罷之二利也船運有沈溺之患綱吏侵盜襍以泥沙硝石其味苦惡疾生重隄今皆得食真鹽三利也錢幣國之貨泉欲使流通富家多藏



鏹不出民用益蹙今歲得商人出緡錢六十餘萬助經費  
四利也歲減鹽官兵卒畦夫傭作之給五利也十月詔罷  
三京二十八州軍榷法聽商人入錢若金銀京師榷貨務  
受鹽兩池行之一年視天聖七年增緡錢十五萬與碑合  
此碑與鹽池新堰箴相去止一年張仲尹結銜官前云祠  
部員外郎此云度支員外郎勳前云似上騎都尉正五  
品此云輕車都尉從四品稍加優異兩額均未揭前碑趙  
郡李蒙題篆此碑止存趙郡二字想亦李蒙題篆也

張仲尹題玉兔寺詩

碑高一尺七寸五分廣二尺四寸十六行行十六字至十  
八字不等行書惟張仲尹結銜一行正書今在淨山縣  
晉之神山縣有淨居曰玉兔建樹之本記悉脩之天聖八  
年秋寺僧應公神墨本事跡訪余為詩因覽源流實曰勝

榮感激勤至何以固辭乃成一章草三十句雖文涉陳淺  
事無新異與今作者藻思弗侔蓋所以塞其來意用旌好  
小云耳

朝請郎守尚書度支員外郎充集賢校理知解州軍州兼  
管内勸農提點兩池事輕車都尉賜緋魚袋借紫張仲尹  
何事回真館標名作淨坊金園存廢址玉兔効殊祥躍漢勞  
買網環山瑩雪霜來疑崑岫出去訝月輪藏隱顯經千載薰  
修蔭一方齊壇隳道祖華勝耀空王奧域居全晉靈祠接慶  
唐煙霞生四面樓殿起中央暎日杉陰合飄空磬韻長伊余  
聞勝槩命惜寄篇章

明道二年中秋日講經論修造主僧志應立石

晉右軍將軍王羲之書

慈雲寺沙門靜萬集

當郡栗文德刊

按山右金石記引舊通志云明道二年朝請郎守尚書度  
支員外郎充集賢校理知解州軍州事兼管內勸農提點  
兩池事輕車都尉賜緋魚袋張仲尹題有小序詩五言律  
十韻僧志應立石攷諸今碑與舊志所書悉合惟此碑結  
銜緋魚袋下有借紫二字舊志無之爲稍異耳張仲尹宋  
史無傳其知解亦未知的在何年續通鑑長編仁宗天聖  
二年夏四月乙酉集賢校理葛昂張仲尹黃弼等各乞外  
任差遣詔並與小處通判太宗朝凡帶官職出皆知州景  
德後王昱劉爽並以官與止與通判至是因用昱爽例據  
此仲尹以天聖二年與小州通判而石刻有天聖八年秋

寺僧應公袖墨本事蹟訪余爲詩是仲尹通判二任未滿

宋制三十月爲一任即擢典方州度其到解或卽在是年耳朝請郎

文獻通考云隋置散官正七品宋初仍唐舊元豐更官制

以朝請郎換前行員外郎宋史職官志度支員外郎參掌

計度軍國之用集賢校理據文獻通考所紀蓋宋初館職

中之次者官至員外郎則任之又云國朝館閣之選皆天

下英俊然必試而後命一經此職遂爲名高元豐罷館職

此官遂省元祐中復置集賢院校理紹聖初又罷仲尹當

宋初帶是職典州厥望崇矣提點兩池始於淳化中周淵

以通判兼充事見解志又攷長編拾補崇甯五年十二月

辛巳制置解鹽李百祿乞令解州知州通判依舊帶管句

榷鹽院提點兩池鹽場事是知解州之得兼提點其來已

久神山縣之有玉兔觀舊通志云建於唐萬歲通天二年  
長安二年復改觀爲寺矣萃編云詩言寶壇墮道祖華榜  
耀空王卽指改觀爲寺之事云靈祠接慶唐者開元十四  
年建慶唐觀天聖五年改爲天聖宮詩特循舊稱爲慶唐  
在縣南二十五里羊角山麓碑後書晉右軍將軍王羲之  
書慈雲寺沙門靜萬集萃編引石墨鐫華云集書起自文  
皇後之興者蔑以加矣此書尚不及絳州碑僅存形似耳  
宋史職官志勳官十有二輕車都尉第六賜緋魚袋通考  
舊制三品以上紫七品緋仲尹官未應品而賜緋借紫蓋  
出特恩兩池者解縣安邑兩池見宋史食貨志地理志平  
陽府建雄軍節度本晉州政和六年升爲府屬縣十其四  
曰神山隸河東路張仲尹見前

王隨玉兔寺詩

碑高一尺四寸廣二尺一寸二分十  
二行行十四字正書今在浮山縣

寄題晉州神山縣玉兔寺

推忠佐理功臣金紫光祿大夫行尚書吏部侍郎知樞密  
院事上柱國王隨

霜毫感應早呈祥誰布黃金建寶坊古殿幡花遶

真聖羨名靈迹異諸方

又

殿庭松栢午陰濃地占神山絕境中瑞質有靈千古在

金田疑是玉蟾宮

景祐三年九月望日當寺修造主講經論沙門 □應一

依樞密侍郎親鈔摸勒上石用堅時歲矣

河東路提點諸州軍刑獄公事朝奉郎尚書主客員外郎  
上輕車都尉賜緋魚袋借紫呂紹寧立石

按碑題推忠佐理功臣金紫光祿大夫行尚書吏部侍郎  
知樞密院事王隨景祐三年九月望日當寺修造主講經  
論沙門一依樞密侍郎親鈔摸勒上石王隨宋史有傳字  
子正河南人舉進士累擢知制誥遷龍圖閣直學士仁宗  
景祐中拜門下侍郎同中書門下平章事昭文館大學士  
罷除彰信軍節度使判河陽卒贈中書令謚章惠宰輔表  
景祐二年二月戊辰王隨自參知政事加吏部侍郎知樞  
密院事四年甲子隨加門下侍郎同平章事景祐三年正  
隨以吏部侍郎知樞密時碑末有河東路提點諸州軍刑  
獄公事尚書主客員外郎上輕車都尉賜緋魚袋借紫呂

紹甯立石枝員外郎六品宜服深青緋已出特賜紹甯又  
衣紫則以六品而服三品服雖出朝命而分懸絕故口借  
通鑑唐宣宗紀牛叢事可證碑見通志金石記

石延年詩紀

碑高一尺四寸五分廣二尺十  
一行行人字正書今在河津縣

延年詩紀

韓希祖隱君武威石延年曼卿上

方瞳神已滿毋死變霜毛道味山中澹詩情事外高醉狂<sup>㊟</sup>  
鶴舞閑卧白驢豪吾素存微尚他年亦尔曹

康定元年六月二十七日

文林郎守秘書丞知河中府龍門縣事兼兵馬都監吳覲  
立石



按碑題韓希祖隱君武威石延年曼卿上歐陽文忠集石  
曼卿墓表曼卿諱延年姓石氏其上世爲幽州人幽州入  
於契丹其祖自成始以其族間關南歸天子嘉其來將祿  
之不可乃家于宋州之宋城父補之官至太常博士曼卿  
少以氣自豪視世俗屑屑無足動意年四十八康定二年  
按宋康定無二年以是年十一月  
丙寅改元慶曆故二月猶稱康定二月四日以太子中允  
祕閣校理卒於京師此碑題康定元年是卒之前一年事  
又通鑑長編康定元年夏四月丁亥大理寺丞祕閣校理  
石延年往河東路同計置催促糧草明道中延年嘗建言  
天下不識戰三十餘年請選將練兵爲二邊之備不報及  
西邊數警始召見命副吳遵路使河東時方用延年之說  
籍鄉丁爲兵故也續通鑑所載亦同据此是延年奉使河

東因得至龍門碑末題康定元年六月二十七日

以六月致之知

適在夏四月文林郎守秘書丞知河中府龍門縣事兼兵馬

都監吳靚立石按宋時縣令均兼兵馬之職宋會要知縣

條知縣系升朝官卽帶兵馬都監若宣教郎以下卽帶兵

馬監押此碑吳靚爲守秘書丞凝真觀碑左惟永爲守太

子中舍皆升朝官故以兵馬都監入銜增修文廟記慈卿

爲右班殿直則以兵馬監押入銜與會要合吳靚縣志缺

載宜据碑補

重修鎮國寺記

碑通高三尺五寸廣一尺七寸七分十六行行三十四字至三十八字不等正書額題六字篆書今在定襄縣

重修鎮國寺記

金門貢畧孫碩撰并書

蓋聞口氣肇聿體相自然揆而不可於周初諒而不可口於  
宋化其體者非修建有乎其相者非中口內外也然自  
漢明以來教隆天下乃覺道之明崇也莫不淘著四流願免  
二種是無生無滅體化舟航安染安塵性為桴筏其寺先於  
景龍三年趙襄子御文臨而修之乃繫歲可久藍宇殘隳風  
磧催顏雨飛卸色彭城青文二氏隴口文之一人其三人風  
披墳典窮三教之彌幽漸悟口門費五常之善禮賊義敗德  
者擇不處口隣也是以再口殊儒重宗寶察摩麗容乎功移  
天境拔善健乎矧趨龍梵乃因三氏之覆然興也稽者偈善  
得其善如倚應聲當永祉獲其祉而若影之隨體乃是穀羅  
二相之法乎有前院主僧不知何所人耶擔登而至斯院其  
僧贖而達其

神乃訴而口曰我欲焚其身及

過歲于正月十有八日用味火而炊其身燼冷得舍

利數粒口舍利神而何窮霞分五彩瑞碧千般或一粒

而化千粒或千粒而炬隨其形且多英口盡而言之聖

哉聖哉遂建舍利塔一座元興大殿東西下生佛會慈

氏觀音廊口三門既脩二八圓周駕飛空簇拭四隅獸走躍

口瓊一院其院者前窺澗水後枕三山墮亡口慮之機茶煙

射月緇布蘭馨天井覆其氣妙口誌續法性尋不二原流

特陳刊尔

時大宋慶曆四年歲次甲申七月庚申朔丙戌日卯時建

將仕郎試秘書省校書郎知縣事趙同

將仕郎守定襄縣主簿江詠

將仕郎守定襄縣尉路迪

鐫字人邢能

按定襄縣志鎮國寺在橫山縣治西北三十里今塌本題

孫碩撰有二云景龍三年者舊唐書本紀中宗神龍三年九

月庚子改元爲景龍景龍四年六月中宗遇弒則景龍三年唐中宗時

而碑有趙襄子修之語何也按碑文語多難通似擬以

主院僧用火化得舍利數粒而立又碑有曰前窺澆水卽

滹沱河未題大宋慶曆四年甲申七月丙戌卯時建後列

將仕郎試祕書省校書郎知縣事趙同主簿江詠尉路迪

皆可爲考晉故者之助其曰試祕書省校書郎者宋初試

銜也

首陽山夷齊墓碣

碑高二尺廣三尺六寸只有上截二行行  
一字字徑一尺五寸篆書今在永濟縣

首  
賢

宋慶曆六年六月十一日

此劉燕庭舊藏籤云首陽二賢人墓二行行三字蔣堂篆書而拓本僅首賢二字書人亦無惟年月尚存耳篆碣事見下篇賦序

首陽山賦

石高九寸廣二尺九寸八分三十分  
六行行十字行書今在永濟縣

首陽山賦 并序

樂安蔣堂

余守蒲中訪首陽山見伯夷井齊墓存焉旁有祠宇皆荒圯不葺因增而修之立石篆字以表其墓遂作賦云太華之北

雷首之西粵有岑嶺切乎霞霓古木蒼蒼愁煙淒淒圖誌所  
按史傳是稽茲所謂首陽之山昔隱乎夷齊者焉嗚呼賢者  
去世幾千其歲逮今齊民猶懷餘懿而荒祠之下俎豆不廢  
古墳之側樵蘇不至吁可異也時余清旦出乘朱轎傍白沙  
渚危躋石門因慨思於往躅遂一吊於羈魂處揖遺像悵然  
遙想何餓肯之幽淪而窮山之蒼莽山之雲兮蒼蔚而興山  
之風兮清微有聲意夷齊之光靈兮倏變而成山之木兮歲  
寒不折山之蘭兮香摧不減意夷齊之氣質兮既化而結可  
勝言哉嗚呼青青者薇在彼山蹊胡爲作歌而悲芘芘者粟  
在彼郊圻胡爲不食而飢賢乎哉救時以仁垂教以義生有  
一朝之恥歿無萬世之媿激貪夫廉立懦夫志宜乎竦聞其  
風無泯厥祀余來山坳識之以銘銘曰山之上古之筮茲孤

竹之子聖人之清者也

慶曆六年冬十一月三日

按永濟縣志二賢祠宋碑有劉永言書宋知府蔣堂賦通志金石記同今縣志載此文宋史蔣堂傳字希魯常州宜興人擢進士第累遷左司郎中知杭州以樞密直學士知益州慶曆初詔天下建學漢文翁石室在孔子廟中堂因廣其舍爲學宮選屬官以教諸生士人翕然稱之徙河中府又徙杭州蘇州以尚書禮部侍郎致仕卒堂好學工文辭延舉晚進至老不倦尤嗜作詩有吳門集二十卷按今搨本堂賦前有序余守蒲中訪首陽山見伯夷叔齊墓存焉旁有祠宇皆荒圯不葺因增而修之立石篆字以表其墓遂作賦云是此賦堂知河中時作縣志但錄賦無序又



碑末題慶歷六年十一月三日按咸淳臨安志慶歷二年  
六月甲午左司郎中蔣堂知杭三年六月丁巳知益州通  
鑑長編慶歷四年十一月甲辰龍圖閣直學士文彥博爲  
樞密直學士知益州代蔣堂徙堂知河中府此慶歷四年  
十一月後堂知河中之證以碑末慶歷六年十一月云云  
考之則六年堂猶任河中其再知杭在七年矣希魯吳門  
集二十卷已佚今存春卿遺稿一卷爲明天啟元年其二  
十世孫鎮所輯無此賦當補入

### 后土廟碑

碑已殘裂就拓本量之高二尺三寸廣二尺  
一寸二十行行字不等今在開喜縣郭家莊

大宋國南贍部州解州聞喜縣羨陽鄉傳口口社慶曆七年  
歲次丁亥八月一日癸卯二十六日戊辰重建口佛相再立

碑文事已完滿萬古長存

八月□日頭□行德 頭郭□友 郭□ 邑人郭隱

郭元 郭宋□ 郭曼 郭行德 郭顯 □守榮 郭

成 郭守信 李密 曹守榮 □斌 郭守均 郭守

青 郭繼榮 郭用熙 郭文義 郭用 郭温 郭□

按碑刻大宋國南贍部州解州聞喜縣美陽鄉慶歷七年  
八月二十六日戊辰重建闕再立碑文聞喜縣志補宋后

土廟碑慶歷年在郭家莊按卽此碑縣志明初五鄉南曰

美陽据碑則宋已有美陽之名太平寰宇記解州聞喜縣

元三鄉美陽必三鄉之一又南贍部州出釋典此碑爲后

土立不宜引碑佛字上有闕文或別祠佛亦未可知碑立

慶歷七年碑見通志金石記

晉祠銘碑陰碑側題名十六段

碑高廣見晉祠銘碑陰題名九段碑側厚七寸題名七段分四截字大小不等起皇祐訖政和在山西太原縣

禹錫題名

兩行首行六字次行五字正書在碑陰

聖宋皇祐辛卯生日□禹錫

邢佐臣等題名

碑側第二截三行行六字正書左行訪碑錄作余藻題名未辨其左行也

大宋至和二年四月十日邢佐臣余藻同來

王安禮等題名

四行行十字正書在碑側上截

臨川王安禮赴官太原過謁祠下因與錢塘楊世昌河南張

仲咨會于泉亭熙寧戊申三月十四日題

盧大雅等題名

九行行七字正書在碑陰

熙寧戊申歲秋九月十四日范陽盧大雅君美臨川王安禮

和甫清源王本安國同謁

晉祠舍均福堂明日如白雲石窠宿明仙又明日遊甘泉開  
化而歸本題

王安脩等題名

四行行七字正書在  
碑陰訪碑錄未載

太原王安脩世長廣平程易先之安陽蔣政渭公熙寧癸丑  
孟夏同遊

龐京孫等題名

二行行人字正書在  
碑陰訪碑錄未載

龐京孫同弟公孫男山來元豐三年八月

邢平等餞送題記

四行行十七字  
行書在碑陰

大帥王公得請還青社府通判邢平權并陽曲縣令崔衮規  
臣從事盧訥仁老高震伯起表百之必強主簿江鬲錢送元  
豐七年正月八日

呂升卿還朝題記

碑陰第三截六行行十  
四五字不等行書左行

元豐七年正月子伯兄吉甫帥太原五月升御被

旨來面授所議事入奏六月十七日還朝過晉祠姪濼洵及  
余中李士亨高陟明錢送至此男洞侍行温陵呂升卿明甫

題錫余微

曾布等禱雨題記

十二行行入字行書  
在碑陰訪碑錄未載

龍圖閣學士河東經略安撫使曾布提點刑獄朝奉大夫范  
子諒躬率寮吏禱雨

祠下通判太原軍府事田盛高復簽書河東節度判官盧訥  
知陽曲縣馮忱之走馬承受王演檢法官史辯從行元祐丙  
寅歲七月十三日訥謹題刊者任貺

邵壩題名

二行首行入字次行  
十字行書在碑陰

丹陽邵壩伯友恭謁

靈祠元祐己巳仲春二日

曾布告違題記

碑側上載五行  
行十四字正書

魯郡侯曾布以元祐丙寅歲閏二月庚戌出帥河東四月丙辰至太原視事己巳四月丙午易守真定五月辛卯率寮吏告違于

晉祠之神丙申受代而東子壻興國吳則禮書

王脩脩廟題記

碑側下載六行行十一  
字正書訪碑錄未載

紹聖三年四月二十一日

大帥左轄王公命王脩永之再新廟宇是年七月初二日括公度王口口規口按視呂珣溫甫蕭經臣伯隣偕行王良弓襲之管役同至

王舜臣題名

六行行九字十字  
不等行書在碑側

被召赴 闕回謁

神祠投宿奉聖精舍時政和乙未正月念八日龍神衛四廂  
都指揮使恩州刺史太原府路馬步軍副都總管王舜臣才

元題

陳知存再謁題記

五行行七字  
行書在碑陰

紹聖乙亥嘗恭謁

晉祠政和乙未再到六月十二日本路轉運使陳知存謹題  
姪銳從行

苗仲淵題名

三行行九字十  
字不等在碑陰

開封苗仲淵師顏自湖南提刑移本路政和五月十日晦祗  
見 祠下男丕侍

馬仲良等題名

四行行十一字正  
書在碑側左行

前知豐州馬仲良開封府界第一將彭保彪 副府豐州都

巡檢使李涇汾帥檄同謁靈祠壬戌歲孟春廿三日記

按金石續編云唐太宗晉祠銘碑陰碑側宋至和至政和  
間題名十二段凡四十餘人又引筠清館所載尚有皇祐  
年開禹錫熙甯戊申王安禮壬戌馬仲良等題名三刻今  
據此碑復有政和乙未王舜臣題名一段合之凡十六段  
矣邢佐臣據通鑑長編熙甯六年十二月庚寅由勒停人  
六宅副使新河東第四將爲崇儀副使權發遣岢嵐軍余  
藻字質夫雁門人熙甯初廣南西路提點州獄見臨桂隱  
山洞龍隱巖諸題名王安禮字和甫安石之弟早登科從  
河東唐介辟熙甯初復爲後帥呂公弼佐此碑書熙甯戊  
申臨川王安禮赴官太原又云戊申秋九月謁晉祠卽其  
佐公弼幕時也又此碑云紹聖二年大帥左轄王公命王



脩再新廟字攷史安禮紹聖初還職知永興軍二年知太原府與碑合稱左轄者安禮嘗拜尚書左丞特舉前官稱之耳大帥王公得請還青社者謂王居卿非謂王安禮宋史居卿字壽朋登州蓬萊人長編元豐五年正月辛卯以判司農寺天章閣待制王居卿知太原府八月辛未移知瀛州十月戊申依舊知太原府六年十二月壬辰乃除呂惠卿爲代是碑記通判邢平輩餞送居卿以元豐七年正月八日此時惠卿自定州來故接替甚速安禮帥太原乃在紹聖間且青社字見史記三王世家漢武封齊王閔詔書中實指齊地居卿登州人得請還鄉故記者舉此典續編輒謂大帥王公卽安禮並云青社指東都誤甚張持撰孔子畫像記有教授袁百之名殆卽此人學易集袁百之

字必彊河南雍邱人登進士調蓬州椽歷河東從事積官  
至左奉議郎元祐六年卒年四十四嘗作樂不遇賦東坡  
見之笑曰不見此作久矣呂惠卿元豐六年十二月由知  
定州移帥太原升卿還朝記作正月乃就其到任時言之  
升卿元祐六年十月官太常丞均見長編宋史言其無學  
術而惠卿引爲侍講者長編曾布以元祐元年閏二月庚  
戌由戶部尚書爲龍圖閣學士知太原府至四年三月丁  
酉移知成德軍此云己巳四月丙午易守眞定丁酉丙午  
差十餘日未知孰是范子諒元豐八年八月爲河東提點  
刑獄見惠明寺舍利塔碑長編元祐四年十二月甲寅載  
朝散大夫提點開封府界諸縣鎮公事范子諒爲右朝散  
大夫倉部郎中何時去河東則史失之矣盧訥熙甯癸丑

華岳廟題名有汶上盧訥卽此人石爲任貺寧鐫神宗祭  
狄武襄文亦出其手蓋當時之工於此技者也宋史地理  
志豐州元昊攻陷嘉祐七年以府州羅泊川掌地復建爲  
州政和五年賜郡名甯豐碑見求古錄金石續編寰宇訪  
碑錄補

聞喜縣夫子廟碑

碑連額高三尺六寸廣一尺六寸四分二十三行行  
四十七字額題舊修廟記四字正書今在聞喜縣

解州聞喜縣增修夫子廟記

將仕郎守縣尉李垂謨并書

進士李周民題額

夫古之修祀事以爲人以思功思德思親故帝王禮天地日  
月山川之神祇念生民之康濟暨社稷 我夫子之祀通制

天下實功德之大於親自天子至庶人家以饗焉周末秦併海內喪亂漢取魏篡典法崩壞訛鬼忘記荆吳相侵貳釋氏之說半蒸人之惑李唐平定 夫子王焉雖詰下郡縣歲以常薦而尚牲帛匪誠繁藻用瀆廊墉闕治榛於空墟噫嘻

我夫子之道與曰為□與天為終烏不知之是邪君子曰賢而知之之謂教愚而昧之之謂道不知然後之謂聖天下眾庶或卿士大夫進祭稱禱□餘神者鮮非私禍福報應於已也若於我則有德無禱而禍乎無德有禱而福乎果無禍與福在祀也思其德在福也從其教安眾庶之念哉故曰祀天地為人社稷 我夫子思功德家思親孰思德乎孰思功乎思之惟堅則我私邪又異禱歟思德而祀者寡私福而禱者眾眾者昧而寡者明明者行而昧者用衣朱服藍思其鮮矣

况愚儒乎況毗黎乎聞喜縣古晉之曲沃中隅建午南日迷  
坤地誌曰桐桐即成湯之陵所也至道初西戎未叙 天師  
征之四人累糧卒亡勝半戶口失於籍盜賊肆於封武臣慈  
卿秩領是邑卿儒家流雍熙中以朔塞干橐之功聞

太宗帝釋褐承命於使職未十年班直殿右及是始負治聲  
連二載田賦平而民足川野肅而寇絕縣惟 夫子廟位城  
之良表粵二里原勢□□林栢蒼鬱乃有土之勝致處我儒  
官當 朝右之奇最中伊一堂闕莫崇飾卿宿誠乎 先師  
之德教謀葺未與會

主上以佛誣之多神調之極圖緯不書悉除像宇卿易弊以  
宜移失於得披擇材木芟刮詭繪斲之祭之繩之斤之登登  
丁丁擬如偶聲悅匠懌役朝提暮程不費財不動眾因其利

也不揆日不正方徇其俗也左右起講學堂致齋堂愍二十  
有四楹學室五棟東西於背日未繫月工吏告成卿先庚日  
邑里諸生事慶斯畢鄉校可諭及期合境靡遺兢兢來集卿  
閱禮周復撫簡歎美揮從警類誦儒行篇遂矩丈正席唱經  
演奧生衆或發揚憤悱持弟子禮抑文武之道一也蔽之則  
正身利人而已矣卿來於是則坐為師語為教去於是則動  
以政糾以法可謂賢罔器聖罔滯卿得徒焉垂一命作尉再  
命登科佐卿於茲幸廟事諭以為記品名賢之所述則韓愈  
謂夫子與句龍之弃其貴者以德故杜壇而夫子屋世或推  
程浩以天地日月江海喻之廣之明之大而又過諸垂且蒙  
者敢揆夫子在則舉愈而錯浩矣杜牧曰尊夫子者孟軻貴  
夫子者韓愈垂謂致饗者懷德明道者授福功至於無窮思

之哉祀之哉庶軻愈之紹焉時 大宋咸平四年歲次辛丑  
六月辛丑朔十七日丁巳增修之記云

右班殿直知縣事兼兵馬監押在城巡檢慈釋回

將仕郎守主簿何湜

皇祐五年歲次癸巳正月壬寅朔二十六日丁卯重書石  
立於殿之西廡

登仕郎縣尉司馬宣

文林□□□簿郭佑賢

將仕郎守大理寺丞知縣事兼兵馬兼押馬中磨

□□刻字 廣平程□刊

按聞喜縣志文廟在城東北隅宋咸平四年縣令慈卿重  
建縣尉李垂記卽此碑碑言夫子廟殿中一堂闕莫崇飾

慈卿起講學堂致齋堂與碑所謂重建者少異其曰至道  
初西戎未敘卽征李繼遷事縣志慈卿字釋回咸平中釋  
褐爲聞喜令重修文廟大著循聲司馬溫公曰厥後繼而  
爲長者不能及釋回今按碑云至道初武臣慈卿秩領是  
邑卿儒家流雍熙中以朔塞功聞釋褐承命於使職未十  
年班直殿右及是始負治聲以碑所述蓋卿釋褐爲三班  
使臣升右班殿直知縣非釋褐卽令聞喜志殊未核又按  
張介侯姓氏尋源慈氏姓苑云高陽氏才子之後美其宣  
惠慈和因以爲氏又云唐慈州因慈氏縣名之樹按慈和  
之說甚誤又以高辛爲高陽尤誤慈氏當以地爲氏宋史  
李垂傳字舜工聊城人咸平中登進士第自湖州錄事參  
軍召爲崇文校勘以碑一命作尉再命登科考之垂蓋先



受聞喜尉

碑題咸平四年是垂是年猶爲聞喜尉也

爲湖州錄事參軍當在是

年後今傳無可補其闕碑爲皇祐五年重立主簿何湜郭

佑賢縣尉司馬宣知縣馬中庸皆見縣志

志何湜咸平時任佑賢宣中庸

皆皇祐時任

馬公至和二年仍任見溫公集重修宣聖廟記

亦

言咸平中武吏慈釋曰修之尉李垂爲之記

進士李周民亦見縣志按溫公集

駕部員外郎司馬府君墓志兄諱宣用從父太尉府君廕

補郊社齋郎數年調達州通川尉遭變去官服除授聞喜

尉遷大理寺丞知猗氏縣新井縣通判金鄧二州知梁山

軍累官至駕部員外郎熙甯八年卒志無尉聞喜年以碑

證之知爲皇祐五年可爲注溫公集者之助

### 玉皇行宮碑

碑高三尺二寸廣二尺三寸二十六行三十六字行書今在陵川縣下壁村

新修玉皇行宮碑

平陽馬祥撰并篆額

助筆書碑人李慶

原夫太極元分化中央而有度兩儀肇啓昭

上帝以無

窮曠役真源恢乎元化為宗為輿立素本以威臻日希日夷  
當混元而悉備至道云極大盈若冲來祥叶慶何莫口斯統  
三才而為萬物之宗者其惟 玉皇上帝之神乎由是教

彰妙本象判胚渾主變通於立極之前不有而有顯造化於  
混成之後無為而為撫大象動乎泐默化先天由乎 上

帝二儀分兮待我而取象四象王兮從吾而發輝陰陽因此  
以迭代寒暑由斯而運行有霜露之殺兮從其斟酌有雷霆  
之威兮定其震發聚乎大也化成象於山川散彼小焉育流

形於草木體化淵宗遐彰妙百執古御今考廣矣大矣見素  
抱樸兮自然而然豈不以天長地久法眾妙以無方日往月  
來茂強名而不泯尔乃率性清虛希聲真宰上撫天庭總百  
神而有倫有要下臨宇宙育□姓而無黨無偏亦由道本中  
化教由外興舉百綱於厚載之中曲盡其妙興三教於秉陽  
之□無得而踰于以見動植存亡我則作變化咸亨之主于  
以見胎卵濕化我則作發生庶類之□咸敷太一之靈寔降  
時萬之福稽諸妙有不可殫論今乃太行之北澤郡之東地  
分晉野境□陵川今有下壁村居人李從等切為歲旱一時  
農傷百穀祈禱 上蒼遂降甘雨翌日霧平民得其蘇由  
是會里社之眾卜其吉地於墅北原上埃塵四絕特建  
玉皇上帝之靈□是以祭祀弥久神之格思為黎元請福之

地也皆以精意以享肅奉牲牢仰欽如在之容荐○惟馨之  
德蘋蘩蕝藻薦一歲以無窮杓祀蒸嘗奠四時而不○於是  
率彼方民暨乎邑子撥土霧集移石雲屯于以命匠度木由  
乎雲集當斤斧之備也立椽棟以攢空架櫺櫺而施險榱桷  
昇華雕牆削峙芳樹磨青鸞瓦飄碧當秘殿以眸容觀陰靈  
而如在揆日裁基於焉僦功今則東宅馬鞍之岫西枕晉河  
之納其北也秦城望以崇崇其南也三泉交而汎汎於時之  
景花木怡神在歲之中煙霞滿目祥自退燭文場飛蹤故里  
鄉人見請安敢措辭且直記夫歲月敢曲銜於文華後之覽  
者罔致誚焉銘曰混沌未闢 明之玉皇 三才肇立 四  
象弥彰 德普下化 恩垂上蒼 黎元忻戴 万國同昌

時大宋皇祐五年八月十日建立

將士郎守澤州陵川縣尉呂士宗 維郝李象 維郝崔

□ 將士郎守澤州陵川縣主簿趙應昌 維郝李慶

維郝李方

宣奉郎守澤州陵川縣令張曜

按陵川縣志玉皇殿在下壁村內有孔子殿院卽此廟碑  
言太行之北澤郡之東地分晉野境屬陵川下壁村居人  
李從等爲歲旱祈禱上蒼遂降甘霖于焉合里社之眾卜  
吉地建上帝之祠此下壁玉皇祠創建之始碑有東宅馬  
安之岫云云按縣志馬鞍山西南四十里西南三泉村距  
城六十里下壁村距城四十里皆可與相參證碑末所題  
街有將仕郎守澤州陵川縣尉呂士宗將仕郎守澤州陵  
川縣主簿趙應昌宣奉郎守澤州陵川縣令張曜宋元豐

未改官制以前猶循唐制此碑題銜可見縣志惟見張曜  
又訛作張懼而碑文並載志內非不見此碑者職官不列  
士宗應昌之名其所見非完本耶記文駢體尙自圓潔碑  
立皇祐五年八月十日

孫繼鄴碑

碑高七尺九寸廣三尺三十行  
行七十九字正書今在虞鄉縣

宋故翊衛功臣侍衛親軍步軍都虞侯涇原儀渭州鎮戎軍  
駐泊馬步軍副都部署金紫光祿大夫檢校太子賓客使持  
節端州諸軍事端州刺史充本州防禦使兼御史大夫騎都  
尉樂安郡開國侯食邑一千八百戶食實封二百戶孫公神  
道碑銘 并序

翰林學士兼侍讀學士朝散大夫尚書吏部郎中知制誥

克史館修撰判館事提舉在京諸司庫務權判尚書都省  
知通進銀臺司兼門下封駁事騎都尉樂安縣開國伯食  
邑八百戶賜紫金魚袋孫抃

朝散大夫守衛尉少卿知河中軍府事兼管內勸農使管  
勾駐泊軍馬提舉河解慶成軍兵甲巡檢賊盜公事上柱  
國賜紫金魚袋宋純

宣德郎守太子中允新差知杭州仁和縣事句諶象額

公諱繼鄴字元嗣其先金陵人世任俠以財勇聞曾祖諱惲  
祖謙仕偽吳為顯官考承睿機警有膽量始署小校李昇識  
之於行列問曰從征口有勞為左右所忌歎曰此安足委質  
耶遂變姓名徙淮楚漸遊于京師久之以策干

太宗皇

帝一命授左班殿直累官至左藏庫使年七十口終焉公即

左藏之長子年十九以門調補三班奉職巡□以□府馬通鋪轉運使奏監岑陽酒稅會廣獠叛瀕湖郡縣大擾朝廷命將討捕辟公為前驅至象州北賊黨據大烏嶺伐木塞道人馬不得進公選驍勇二軍分東西部伏溝澗去嶺尚數里約日□□□即出戰當併進速擊時其不意詰旦攻之偽不利走□倍道爭逐俄而伏左右發追者困不能聞俘斬僅以萬數以功超左侍禁護端州兵移監永寧寨有詔壁天水之洛門谷以遏寇隧命公□其□西□□以不時□募徒以繼焉邊蕃有謀□告從者遣丁夫數十輩偽持畚鍤至公覺之勒兵防按姦人執作怙二不敢仰視已而堠者報曰寇入境上及河聞有備乃潰改□頭供奉官伴西南夷使者故□□□方在□□□學士上坐長春東廂暮名封□道公姓名特授



閣門祇候知保安軍俄按刑南服未行屬譙國武穆公瑋帥  
西府舉為鄜延路兵馬都護加內殿崇班歲餘改承□制知  
環州兼一路安撫今上即位除崇儀副使□方渠以脩洪德  
堡與□司□議不協□官於中冀臺臣有辨公理直者起知  
保安軍天聖初移臨涇夏羌面納歲貢繼絮夥甚公曰是何  
異持梁肉以快鷹鷂之吻飽則翔去矣因請□□□□□□  
□□□□□種以牽其勢朝議多疑之尋使契丹時曹襄悼  
公典密命抗疏兩宮間稱公有將帥才可任大事宜擢領中  
都兵嚴徵衛捕姦盜徐□進用之漸辭意激切上□□亦素  
知是人□□□□□□□□天子延問踰刻恪退又目送  
之公出□□親曰曹公都賢仕怙寵利而不知進退去就之  
分禍至無日矣吾安能錮名徵祿受權臣所累乎遂引病告

退章三上題□自是築室華下杜門□□□□□□石  
□然晏然若初無遊宦之意者闕陝士人至今談其搢尚無  
幾何曹被罪譴死優詔召公仍力本道孜遺正授供備再為  
北廷賀新君副使厯作坊如京石州□州二太守以較勞□  
□□□□□□□□□□進西上閣門使雄即九河故地  
南屏瀆魏西北壓燕易及諸遺族帳於今號曰極塞其居民  
往往聞風言潰匿守吏不能鎮撫遂以失業公開示威令遠  
為密使事之纖悉必□□□□□□□□□□駭□寇至  
左右以白公額知不問人始而疑終而信且安居二歲卒無  
虛擾者遷端州防禦使龍神衛四廂都指揮使涇原儀渭州  
鎮戎軍馬步軍副都部署西陲邇羌諸路號為險阻□□□  
□□蕭關故道前控大川地寬□有善水草賊騎所從而出



詩示之不喜誦且曰大丈夫當讀□□求□□披堅陷銳犯  
鋒為國家攘戎狄靖邊塞安能誦一聯詩句與童子輩為件  
乎舉族稱異之及起家從仕曉韜略善總領尤好諸葛亮節  
制之法每戰閉步伍旗幟進退前後無一越軼者諸將服其  
嚴整連典郡壘率劬風績晚□稔□知不大用迺已嗚呼命  
矣夫君子謂公以軍功起以政事顯以帥名終勤勞王家出  
處一德宜其有後也崇儀君於抃為宗盟且兄弟行皇祐壬  
申夏僞賊反南方繹駭君從今西樞孫公進兵誅殄既平而  
還謂抃曰先人葬凡十七年矣而平生事狀缺然亡所誌兄  
方歎史氏筆能書其實以示子孫乎抃曰唯二遂銘曰

土德陵夷 南方割裂 公之祖先 仕至旄鉞 聖治

初格 荒氛未銷 公侍父乘 歸于天朝 乃詳兵書

乃隸武籍 剛口外孚 勇敢中激 伏戎烏嶺 梟  
斬逆徒 按甲洛門 坐靖姦謀 疆民事輕 誣語相  
駭 口示粹嚴 羣疑以解 雜戶觀望 反覆不誠  
公推威惠 口戍以軍 不阿權臣 不嗜利祿 拜章  
而還 于澗于谷 弗抗異行 弗沽清名 聞名迺起  
載簪載纓 荐分軍符 多典郡壘 既經平口 風  
績偉二 天子罷之 詔書西飛 日趨來覲 吾須汝  
毗 戒行之初 沉厲亟底 嗟嗟彼蒼 胡不憖遺  
壽兮中謝 勲匪大成 條山峩然 藏公之銘  
皇祐五年十月二十口日建

銀青光祿大夫檢校太子賓客兼御史大夫崇儀副使權  
梓夔路兵馬鈐轄兼提舉梓夔兩路諸州軍巡檢兵甲公

口騎都尉男宗旦等立

至大庚戌九月吉日河東劉致重書

泰定履白文逸真人十世孫

按孫繼鄴宋史有傳碑所載事與本傳大致相出入而較爲詳贍如討陳進之役史只言其破賊大烏嶺有功而碑具詳設伏誘賊諸事城洛門之役史只總徒城洛門一語而碑具詳防奸督作諸事他如伴西南夷使入覲按刑南服論夏夷資緡料曹利用買禍知雄州設密便及轉步軍都虞侯趣召還闕事或語較本傳爲詳或足補本傳之所略又其與史異者本傳載繼鄴僅一知保安軍而碑有其以閩門祗候初知保安軍一事本傳謂其徙涇州後使契丹而碑有其再爲北庭賀新君副使一事碑文其父承睿

仕南唐爲左右所忌乃北投宋傳則謂殺人亡去碑云繼  
鄴將赴闕遽卒傳則有徒真定一條此又碑史之足以互  
資攷鏡者也今據通鑑長編天聖五年九月庚子九年七  
月辛丑繼鄴兩以崇儀副使副張保雍孔道輔使遼與碑  
語合又景祐四年八月庚辰涇州言步軍都虞侯端州防  
禦使孫繼鄴卒初不言其徒真定路其自雄移涇雖未詳  
何年而長編於景祐元年十一月甲辰書徙涇原路部署  
兼知涇州張敏知冀州繼鄴當卽於是時替敏無可疑者  
長編於繼鄴卒條下搬錄其終始注云繼鄴以崇儀副使  
致仕及落致仕實錄富有之須細檢然則此碑非獨補宋  
史之闕且有詳長編所不及詳者原文剝落處固多尋緒  
細繹不可會者特數處餘皆燦然可徵攷史家所當寶貴

也陳進作亂曹利用爲廣南安撫在景德四年六月七日曹瑋爲環慶安撫在天禧三年三月其擢簽樞在四年正月均見長編又宋史長編並謂繼鄴以曹利用辟隨平陳進有功授職此碑乃云朝廷命將討捕獨不舉利用名或當時以利用得罪貶死故諱言之耳武穆曹瑋諡襄悼曹利用諡見宋史及東都事略皇祐四年儂智高叛孫沔安撫荆湖南路孫宗旦時以內殿承制閣門祗候充荆湖南路江南西路兵馬都監適隸沔部下長編具載其事碑中西樞孫公卽指沔也孫抃字夢得眉州眉山入官至參知政事以太子少傅致仕卒事具宋史本傳又長編抃以皇祐五年四月癸亥自翰林學士兼侍讀學士吏部郎中知制誥史館修撰遷爲右諫議大夫御史中丞當智高平時



抃適在史館故碑文中有方執史氏筆之語碑首結銜與  
長編所書悉符孫沔還自嶺南在是年三月庚辰宗旦必  
與俱旋抃撰碑文或卽在此時歟通志金石記引文略述  
繼鄴所歷職與宋史略同見通志金石記

薛睦墓表

碑連額高五尺六寸五分廣二尺六寸五分十七行  
行三十五字額題薛君墓表四字均正書今在絳州

薛姓居河東者自唐已來族最盛 宋興百年而薛姓五顯

資政殿學士尚書戶部侍郎贈兵部尚書簡肅公當天聖  
中參輔大政以亮直剛毅為時名臣 公絳州正平人也有  
子直孺早卒無後以其弟之子仲孺為後然其兄弟五人及  
其諸子皆用 公蔭祿仕以忠厚孝謹多材能為絳大族  
君諱睦字睦之 簡肅公之兄也少有高節仕而不得志退

老于家以德行文學為鄉善人。君少好學工為文辭再舉進士嘗為州第一已而歎曰進士以文辭應有司格是豈足學也哉乃棄而不為其後簡肅公貴顯以恩例補君右班殿直君篤愛其弟不得已為強起就職居頃之卒棄去遂不復仕。君孝悌於其家忠信於其朋友禮讓於其長老鄉

里之人始而愛久而化既沒而猶思焉。天聖二年十二月

甲子以疾卒于家享年六十九以其月二十七日葬于正平縣清源鄉之周村原。曾祖景贈太保。祖瑜溫贈太傅。

父化光贈太師。母曰鄭國太夫人費氏子男二人長曰長

孺今為尚書比部員外郎知絳州軍州事次日良孺太子中舍女五人。君以子恩累贈右龍武將軍夫人陳氏正平縣

太君。君卒之十一年其子始以尚書郎來守是州子薛

氏壻也且嘉君之隱德以終而有後乃為表于其墓既又作詩以遺之曰

伊絳之人其出如雲往于周原從我邦君周原有墓鬱鬱其松絳無居人惟邦君是從來以春秋執事必躬邦君在絳禮我耆艾惟父之執其恭敢怠邦君有政惠我後生從民上冢閭里之榮嗟我絳人孝慈友悌為善有後惟邦君是視

至和元  
年十月十五日

翰林學士尚書吏部郎中知制誥充史館修撰刊修唐

書歐陽脩撰

按絳州志宋參知政事諡簡肅薛奎龍武將軍薛陸國子博士薛良孺內殿崇班薛塾墓俱在周村歐陽修有表志今塋內塚平止薛睦一碑獨存卽此碑今碑闕文以歐陽

文忠集校之薛姓下爲五字資政學士下爲尙書二字公  
下爲絳州正三字諸子皆下爲用字公下爲瞻字不復仕  
下爲君居鄉里四字清源鄉下爲之字周下爲材原字太  
夫人費下爲氏字子男下爲二字以子下爲思字是州下  
爲子字均据歐集補但歐集州志所無而此碑有者如君  
好學工爲文辭下碑曰再舉進士嘗爲州第一已而歎曰  
進士以文辭應有司格云云今歐集州志自工爲文辭下  
卽接應有司格而改已而歎曰爲旣而曰微此碑則人不  
知睦嘗再舉進士良可貴也碑言簡肅有子直孺卒無後  
歐集薛質夫墓志故大理寺丞薛君直孺字質夫簡肅公  
之子公爲參知政事拜大理評事遷將作監丞景祐元年  
公薨拜大理寺丞後公六年以卒無子簡肅公之世於是

而絕碑云以其弟之子仲孺爲後歐集內殿崇班薛君墓志公諱塾簡肅公之弟長子曰大理寺丞通判陵州仲孺是仲孺者薛奎弟塾之子碑所載睦曾祖以下官與名皆與薛塾墓志同所言長曰長孺今知絳州軍州事次曰良孺太子中舍以歐集長孺墓志考之知絳以簡肅夫人薨辦葬事歲滿通判成都府未行以疾致仕嘉祐六年七月丙午卒良孺墓志以簡肅公蔭爲將作監主簿太常寺奉禮郎大理評事遷太子右贊善大夫殿中丞簽書通利軍判官公事與守爭事停官復爲殿中丞遷國子博士監陳州酒務嘉祐八年二月甲午卒無爲太子中舍事今歐集此碑文作良孺殿中丞與今搨本異又歐集長孺下曰爲虞部員外郎今搨本作比部員外郎以長孺墓志證之則

先爲虞部後爲比部司馬溫公集題鼓堆泉有曰嘉祐元年九月壬寅通判并州事司馬光以事至絳從州之諸官尙書比部員外郎薛長孺游祠下此正長孺知絳時曰比部者與今搨本同疑歐集刊本誤又簡肅文集序公有子直孺早卒以其弟之子仲孺公期爲後與此碑同今搨本至和下有闕文歐集此碑題至和元年亦據補按歐集年譜至和元年五月服闋授尙書吏部郎中八月戊申詔修唐書九月辛酉遷翰林學士依前吏部郎中知制誥壬戌兼史館修撰碑題是年十月所結銜正與年譜合

天慶觀碑

碑已殘裂就搨本量之高三尺八寸橫二尺一寸二分十七行行四十字正書今在河津縣城東北二里

口 中府龍門縣重修天慶觀記

登仕郎試秘書省校書郎守□州司理叅軍李穀撰

給事郎前行興□□錄事參軍鈕天錫書

劉奉□篆額

□聖皇帝在宥之十一季海□謚清戎夏驩輯憲平民□□

祥雜沓

天書錫羨

聖祖降鑒故以□□□符冠年

紀嘉瑞也繇是

詔天下郡縣咸置天慶觀□奉靈貺

縣之北阜城隅對峙先有北極觀其主者李元亨會法

駕躬祀

汾雅□謁

行在因是得請遂易榜天慶元

亨羽化嗣有道士樊保真主持之迨今□四十餘禩矣歲月

遷□風震雨凌環極□殿巋然獨存邑人高陽許映嚮心道

樞常所析蘸梁□是歎□□物故嗣子<sub>璣</sub>將仕郎守晉州司

法叅軍<sub>友洎</sub>孫將仕郎守魏州朱陽主簿箕等奉承先□無

口改作口口不口惠然率從虔發餘貨鼎新經畫于是因紫  
微舊構陶瓦以新口口左右兩廡鸞口以翼之口 聖

祖口口口未備

朝謁也廣正廊之庑制嚴扁錫也崇樓

設虞口警昏昕高亭延清以容登覽能事畢矣口口口口  
其偉歟口口回著象冲妙立言陰陽下民橐籥萬彙自然之  
教也非夫口心遵奉渙然冰釋燕翼貽訓保終于初口口濟  
之哉曰保真者重經始之謀嘉營葺之口口刻石永口後  
來穀里人也牢讓不獲系為銘云

至道難名

先天地生

與口口成

至德惟清

潛泊

無營

知常為明

大宵垂光

紫極居方

福彼無疆

崇構言言

憲乾法坤

三階重軒

法象巍巍

辰

曜口口

晬然嚴威

元聖開先

寶系緜綿

示億祧



年 兩廡翼舒 耽耽協居 風雨□□ 高門洞開  
憧憧往來 闢闔允恢 猗高陽氏 信道之士 繼葺  
不已 北山偕峨 素汾前波 矧茲阜之 惟厚勒斯  
□□不磨

至和三年七月十五日觀主樊善應立石

焦元吉刊石

按宋諸郡縣之有天慶觀始於真宗之崇奉道教攷續資  
治通鑑長編大中祥符二年詔諸路府州軍監關縣擇官  
地建道觀並以天慶爲額民有捨地備材創蓋者亦聽先  
是道教之行時罕習尙惟江西劔南人素崇重及是天下  
始徧有道像矣殿中侍御史張士遜上言今營造競起遠  
近不勝其擾願因諸舊觀爲之詔從其請據是記先有北

極觀後遂易榜天慶似亦循士遜所言而文中云會法駕

躬祀汾睢

闕

謁行在因是得請則斯觀之建當又在展禮

睢壇後東都事略大中祥符三年秋八月詔以來年春有事於汾陰四年二月辛酉皇帝詣睢上祀后土地祇奉太祖太宗配是時天下奉詔建觀久矣州郡承望風旨藉土木丹青爲導諛獻媚計者何可勝數乃龍門之觀獨遲建於兩年後且僅因舊觀易榜厥搆未嘗增新度其地僻民貧故弗克與諸大州爭相崇飾歟宋史天聖二年上眞宗尊諡曰文明武定章聖元孝皇帝記首聖皇帝上當據史補章字東都事略景德元年八月契丹入寇十一月庚午皇帝親征十二月契丹使韓杞來請和二年六月趙德明歸款記所謂戎夏驩輯者指此長編大中祥符元年正月

乙丑天書大中祥符三篇降左承天門屋之南角戊辰大赦改元四月辛卯天書又降於大內之功德閣五年十月戊午九天司命上卿保生天尊降於延恩殿十月己巳上天尊號曰聖祖上靈高道九天司命保生天尊大帝記所謂天書錫羨聖祖降鑒者亦卽指此又按宋史眞宗紀咸平六年景德四年至大中祥符元年適十一年與記所書在宥十一年者合通志金石記及河津縣志謂是觀建於景德中或據記文先有北極觀而言至易勝天慶則已在大中祥符四年後矣重修日爲至和三年七月十五至和三年卽嘉祐元年是年九月庚寅始改元石已先建故弗之改耳撰是記之李穀及書者鈕天錫宋史無傳穀結銜爲登仕郎試祕書省校書郎守

州司理參軍宋史職官

志登仕郎正九品幕職初授則試祕書省校書郎亦有解  
褐試校書郎者謂之試銜文獻通考開寶六年始置諸州  
司寇參軍以新進士及選人爲之後改爲司理掌獄訟勘  
鞫之事元祐定令上州從八品下州九品又云宋初進士  
釋褐者多授判司簿尉教用試銜守闕州司理蓋猶循國  
初之制也又史志給事郎正八品上將仕郎從九品下節  
鎮上中下州錄事參軍及上州諸司參軍並從八品文獻  
通考乾興元年用丁度請諸州始各置錄事參軍天錫結  
銜前行興下闕二字疑係興元府宋史志司法參軍掌議  
法斷刑晉州後改平陽府本爲上州許岌當爲從八品參  
軍又云諸縣千戶以上置令簿尉主簿從九品又宋史地  
理志河中府縣七龍門爲次畿屬永興軍府路平陽府本

晉州政和六年升爲府屬河東路虢州縣四朱陽中亦屬  
永興軍府路興元府爲山南西道節度唐置朱因之屬利  
州路

司馬池輓詩

石高一尺七寸五分廣二尺六寸二十  
行行十字正書今在夏縣溫公祠堂

司馬晉州待制哀辭

太常博士通判延州軍州事馬端

志古流難合談高道自明風波直恩分

公為群牧倅當曹之  
遷也人以公始嘗堅

辭其辟當自為辨公惻然謝曰今日  
正宜後其行也卒不以明識者建之鍼石盡交情

公與人交  
必盡規讓

始若不勝其言  
退則敦義彌篤讓節蒙

知厚公在鳳翔日被召知諫院公  
懇辭之自是深簡上心華班絕倚榮

公生平特立  
至為侍從皆

出賤生懷感遇當路假晶煒

端辱公以八使  
慰薦遂蒙改官累次青油幕

端在益昌及岐  
下皆預賓席  
中間白玉京  
吏文容議緩  
端在幕府每奉公議特被優假邦

事卹言輕  
戊寅年端輒奏疏論事公時在京師嘗見閎孤直  
自此嗟流梗  
何期苦見

兵是歲別公出宰鄆  
城明年移伴邊郡  
塞垣心易動  
漳浦信彌驚  
今春得三堂信知公屬疾

玉藥悲無驗  
金臺望忽傾  
崧闌雲慘淡  
天迴淚縱橫  
世有真忠亮  
今亡至直清  
舊僚知葬日  
投此吊佳城

嘉祐元年十月三十日

著作佐郎管句河東路機宜文字雷憲書

按通志金石記石刻天章待制司馬池輓詩太常博士通判延州軍州事馬端撰著作郎管句河東路機宜文字雷憲書詩十二韻有注者十處雷憲書勁險絕倫當時無書名僅見此碑按端詩注公爲羣牧倅云云宋史司馬池傳樞密使曹利用奏爲羣牧判官辭不就朝廷固受之利用

貶池獨颺言於朝稱利用枉卽其事也其曰公在鳳翔日被召知諫院云云本傳知鳳翔召知諫院上表懇辭仁宗謂宰相曰人皆嗜進而池獨嗜退亦難能也其曰公生平特立云云本傳更鹽鐵副使歲滿中書進名帝曰是固辭諫官者擢天章閣待制所謂皆出宸選也其曰端在益昌云云益昌謂利州路岐下謂鳳翔本傳池爲利路轉運又知鳳翔皆其證司馬溫公集有游延安宿馬太博東館詩宋人例謂太常博士爲太博卽其人戊寅者寶元元年玩注文端以此年上疏又嘗知郾城旋倅延安題司馬晉州者本傳池知晉州卒舉所終官也宋史百官志安撫使司有管勾機宜文字一員端見長編慶厯三年七月太常博士馬端爲監察御史歐陽修上言乞廢端成命尋復以太

常博士通判延州換內藏庫副使知丹州注范仲淹奏議  
是年四月二十八日舉端堪充館閣職事或知劇部煩重  
任使時端再任通判延州按端既爲仲淹所薦材必有可  
取修以端爲蘇紳所舉培擊不遺餘力過矣池卒慶厯初  
正端倅延時碑見求古錄通志金石記

定光佛舍利塔記

碑高四尺九寸五分廣二尺六寸十九行行三十二字字  
徑入分正書額題定光佛舍利寶塔之記九字篆書今在  
臨汾縣

汾州大中寺太子禪院墳塔園葬

定光佛舍利塔記

將仕郎試秘書省校書郎守西河縣尉薄 洙 撰

粵真如性妙智圓明不增不減无滅无生寂然真空感而遂



通顯揚至道啓萬靈一大士降率陀天生于王宮大悲自然  
現成道身四十九年大般若行萬靈以宣二發露真筌其道  
无垠日如轉輪其利无際被于天人納有入三復歸真寂若  
曰天四不測茶毗金身靈氣無漏成設利羅八斛四斗十六  
大國奔忭恐後或肩五人間天上各各分布八萬四  
千寶塔隆攝有生感念依歸傾慕福利求廣罪苦求六索響  
不差應報先

佛定光日月智慧理行堅固修證無替緣終歸寂

釋迦無異于郡之左曰有信士伏膺 佛法歸心不貳博訪

高僧堅求舍利曰有一汾水之陽厥名惟一厥姓惟張

天子所珍聲名四方時有梵僧與物非常如珠百粒五色舍  
章礎之愈堅火之愈二檀那求之愈督與之數粒拱捧嚴肅

捨有限財構瓦爲福存存惟永

寶塔崇興刊諸琬琰萬世明明

維大宋嘉祐二年歲次丁酉四月丙午朔八日癸丑葬

畢記

東京左街定安禪院奉

宣住持傳法賜紫法遠大師

道一 前僧正賜紫

將仕郎守西河縣主簿賈 惟孝 習明法

學□□□

法遠大師 道一 門

定光佛舍利塔記在臨汾

興化寺牒

碑高五尺四寸廣二尺四寸十五  
行行三十二字正書今在解州

先○慶○二年四月內住持本寺自○真住持已來勅建  
就塼塔二座法堂暖堂等○是普真等賜化到上件屋宇所  
是本寺累曾○狀經州願將興化寺作十方住持蒙降到  
文○本州指揮即未經聞奏慮未得經久切見河中府普  
依奏作十方住持欲乞降指揮作十方住持州司檢會○福  
建等路州軍應禪○自來係十方住持者並令依舊天○子  
弟甲乙住持者許終本身後官為選名行僧十方住持其律  
寺○捨充十方禪院亦○其○分州軍禪院見係十方住  
持者不得却令○州司看詳今若改作十方住持委得經久  
頗便候 勅旨

右奉

聖旨依奏劄付解州○興化寺准此

嘉祐三年十二月二十四日

朝奉郎尚書水部員外郎通判軍州兼管勸農事及提舉兩池公事上騎都尉賜緋魚袋李兢

朝散大夫守光祿少卿知軍州事兼管勸農使提舉兩池鹽場事柱國賜紫金魚袋李兢

按此碑刻宋興化寺改爲十方住持敕末題嘉祐三年十

二月二十四日朝奉郎尚書水部員外郎通判軍州兼管勸農事及提舉兩池公事上騎都尉賜緋魚袋李兢朝

散大夫守光祿少卿知軍州事兼管勸農使提舉兩池

鹽場事柱國賜紫金魚袋李兢按宋王基興化寺記碑末

題通判蓋瑜知州陳安壽結銜亦帶提舉鹽池事與此碑

同通鑑長編拾補崇寧五年十二月辛巳制置解鹽李百

以生本志卷之三  
三  
祿乞令解州通判知州依舊帶管句權鹽院提點兩池鹽  
場事可與此碑相參證

汾州磨崖碑

碑高五尺六寸廣三尺一寸十八  
行行三十三字正書今在汾陽縣

汾州別立大宋磨崖碑文記

朝奉郎尚書毛田貞外郎通判汾州軍州兼管內勸農事  
輕車都尉賜緋魚袋謝景初撰

狄武襄公之平儂氏蠻也今吏部侍郎余公靖以經略安撫  
使在行乃即桂林之崖磨而刻詞以記其功

武襄公寔西河人繇布衣自奮暴露斬馘數十餘載擁旌開  
府出入宿衛以至樞密副使固已聳動天下之耳目矣及其  
破賊邕管蓋自數十年來征討四方未有稟受

聖筭當長帥之任其成績實効可與之比者不唯四夷君長  
曰是而輦場直亦中州士大夫驚視駭歎以為一時之異也  
已而不擢拜樞密使其後遂平章政事正位外相以薨  
天子震悼不已故詔冊之贈典謚之易名賻賜卹孤莫不  
加等又為

親題神道之碑首所以褒寵之極厚其歸葬西河之二年也  
嗣子西上閤門副使諮與其昆弟族人謀曰

武襄邕管之功如此其威而桂林所紀莫詳焉凡今天下之  
人下至於士卒田野無不喜道其事而願見其詞者況吾姍  
舊之間哉今桂林之遠萬里其詞不可常得孰與即吾墓  
里巷之近礬石而鑿之使與

御題之碑並峙而共久流布而傳誦為無窮之聞歎於是其

昆弟族人皆謹且泣曰孝子之事其何以加於此乎乃摹余公之詞於石而立之於汾州奉親顯慶之佛寺又來請文以識其所以然嘉祐五年秋九月壬辰記

按金石記云狄青墓神道碑右側爲磨崖記序碑嘉祐五年通判汾州謝景初撰蓋武襄平僂氏蠻時余靖以經略安撫使在行卽桂林之磨崖刻石記功歸葬西河之二年公子西上開門使復摹余靖桂林磨崖碑別立於墓旁奉親顯慶寺而景初爲之序今所立磨崖碑久佚序文僅存不知何時移置墓域也又據金石續編有平蠻三將題名第一將爲狄青第二將爲孫沔石全彬第三將爲余靖其記功文曰大宋皇祐四年夏蠻賊僂智高寇廣南陷十二郡據邕州其年九月詔以樞密副使狄公統兵南征號二

十萬明年正月己未與賊戰於邕之歸仁大破之翼日復  
邕州賊之餘黨遁於銅柱之外二月丁亥班師至桂林詔  
換河中旌節召還機密凡從行將佐文武官二百三十一  
員今記將官以下姓名於左今序所云余公靖以經略安  
撫使在行乃卽桂林之崖磨而刻詞以記其功應卽是碑  
其云今吏部侍郎耆續通鑑長編嘉祐五年八月乙亥吏  
部侍郎集賢院學士余靖爲廣南西路體量安撫使又東  
都事略亦於靖徙潭青二州後書除吏部侍郎是序作於  
是年九月適當靖奉命使廣南時故以吏侍爲稱與二史  
脗合狄諮青子熙豐中厯官東上閤門使四方館使引進  
使元祐二年五月以提舉河北保甲措置乖方降使額三  
年五月辛酉爲永興軍路鈐轄六月辛卯由四方館使嘉



州團練使復引進使九月壬子從所乞提舉崇福宮具見  
通鑑長編謝景初史無傳宋詩紀事謝景初字師厚絳子  
慶曆六年進士官大理評事出知餘姚縣多惠政屢遷益  
州路提點刑獄以屯田郎致仕黃山谷其壻也有宛陵集  
王臨川集外制屯田員外郎謝景初可都官員外郎制按  
在安石知制誥時與碑題屯外合又仙源縣太君夏侯氏  
墓碣云尚書兵部員外郎知制誥知鄧州軍州事陽夏公  
謝氏諱絳之夫人太常博士通判汾州軍州事景初之母  
此景初爲汾通判之證攷長編熙甯四年二月丁丑兵部  
郎中陳經爲成都府路轉運使新知果州度支員外郎雍  
子方提點成都府路刑獄及常平等事仍令經等密體量  
監司范純仁謝景初李杲卿薛綉欽宴踰違事以聞五年

六月壬子司封郎中謝景初追兩官勒停坐前任成都府路監司踰濫故也又元祐二年正月戊寅注引舊哲宗實錄孫永傳云先是謝景初爲成都府路提點刑獄坐與娼淫免官元祐置訴理所而永以景初之罪出於誣構爲雪其事遷吏部尚書林希野史云自呂公著罷王安石不置中承意在謝景溫及景溫劾蘇軾安石大喜而其兄景初及親友日夜責其名節不立不得已稍及時事長編載神宗諭馮京王安石亦有景初在本路桀驁不奉朝廷法令之語由是以觀景初蓋有風節而不拘細行者當時緣抗新法受羅織者甚夥舊哲錄爲介甫親黨所修輒謂永出景初罪爲非然公論顧可混乎金石記有魏文侯墓碑爲景初嘉祐三年撰度其倅汾歷時必甚久也又黃山谷秋

懷詩云謝公蘊風流詩作鮑照語又云世方用賢髦先成  
泉下土任淵注曰謝公當是師厚師厚名景初南陽人據  
此詩作於元祐元年之秋景初事甫雪而卽卒歟余靖  
字安道韶州曲江人官至工部尚書卒謚曰襄事見宋史  
本傳文獻通考靜江府本秦桂林郡地唐爲桂州大觀時  
爲帥府領本路經略安撫使紹興三年以高宗初潛陞靜  
江府汾州後魏爲西河郡唐爲汾州或爲西河郡屬河東  
道碑見寰宇訪碑錄通志金石記

司馬沂墓表

碑高六尺廣三尺一寸十八行  
行三十八字正書今在夏縣

宋故贈尚書都官郎中司馬君墓表

朝奉郎尚書刑部員外郎知制誥權修起居注糾察在

京刑獄上騎都尉賜貳金魚袋王安石撰

朝奉郎尚書都官員外郎知同州兼同群牧及管内勸農  
事騎都尉賜緋魚袋借貳雷簡夫書

君姓司馬氏諱沂陝州夏縣涑水鄉高堆里人其先出於晉  
安平獻王孚至征東大將軍陽始葬於河東安邑後魏分安  
邑為夏縣遂為夏縣人自唐以來降在畎晦而君之曾祖林  
祖政父炳皆不仕然累世未嘗異居故家之食口甚眾而貧

無以贍君幼孝謹父兄恙以家事付之能儉勤以成其家當

是時田不加廣又未嘗為商賈奇表之業而司馬氏更富父

兄皆醉飽安逸而時有餘力則及其鄉人然君遂以惡衣疏

食終身其卒也以景德三年十二月丙子年三十二以祥符

六年年□□□□葬涑水之南原夫人同邑李氏女年二十八

生男詠里及一女子而寡頃之詠及女

皆卒於是父

母欲棄

其志而舅姑亦遣焉夫人自誓不嫁躬執勤苦使里之四方

就學姑李氏老且

病常臥一榻

扶然后起哺然后食夫人左

右視養未嘗少失其志如是累年以至其沒既而里以□□

□仕奉夫

人之官夫人始別其母而思慕成疾久之乃愈里

積遷至尚書都官郎中歷將數州□□

而封君

尚書都官

郎中夫人封永壽縣太君年八十三以嘉祐五年九月甲寅

終于京師其

年十一月壬寅

合葬于君之墓而君之從父弟

子起居舍人光序其事如此以來請曰願有述也以表之墓

上嗚呼君所謂謹身即用以養父母而道行於妻子者歟以

此而學則豈與夫操浮說而無其質者比哉夫人之德可謂

協矣雖非其家人所欲論者吾固樂為道之又況以起居之

賢嘗為吾僚而有請也於是書以遺之去

朝奉郎尚書屯田員外郎知國子監書學權同判吏部南  
曹上騎都尉賜緋袋楊南仲篆額

布衣曹知白模刻

按司馬沂宋史無傳據王煒志略沂為溫公之從父溫公  
敘其事蹟求安石撰表後荆公集不載此篇乃蔡京蔡卞  
馮澥之徒刪之故也今夏縣志載此文碑所剝落處志悉  
完具足資攷鏡近年三十二卒故事業不著其子里宋史  
附司馬池傳後歷官通判鄜州知乾州至太常少卿碑謂  
為都官郎中蓋指寄銜言耳又按續通鑑長編嘉祐六年  
六月戊寅王安石以度支判官刑部員外郎直集賢院同  
修起居注為知制誥溫公時亦為同修起居注同官禁近

是以句其爲文當仁宗之季温公荆公負天下重名浸皆  
嚮用書札往來其交義甚合徒以議新法立異温公至以  
去就爭安石始不悅然其與温公書斷斷置辯獨以天下  
事爲言初無洛蜀詆謀之習蓋温公之所造所學荆公非  
不知之者長編紀神宗嘗論温公曰王安石素與卿善何  
自疑元祐初温公爲尙書左僕射荆公已病聞之有司馬  
十二丈作相之語其心沂公也久矣京卞之徒貶竄元祐  
舊臣以快其私燬温公所著書不已並舉此碑文而削之  
意將示天下後世二公生平若始終鑿柄不相入者然史  
策具存尋緒自見後人亦烏可欺哉司馬温公集有贈都  
官郎中司馬君墓志銘注云嘉祐六年作荆公之糾察在  
京刑獄見長編嘉祐七年與碑首所繫銜合是墓表之撰

當在斯時雷簡夫字太簡有隣孫宋史有傳長編嘉祐三年十二月載國子博士鹽鐵判官雷簡夫爲屯田員外郎東都事略云簡夫以鹽鐵判官出知虢州改同州此碑嘉祐五年立度簡夫此時亦甫由虢移同耳碑額爲知國子監書學權同判吏部南曹楊南仲篆金石記云簡夫書純用柳法南仲博通古籀皆一時選也碑見通志金石記

王舉元柏谷山詩

碑高一尺二寸廣一尺五寸十一  
行行九字正書今在長治縣東山

同遊栢谷山

河東轉運使尚書兵部郎中王舉元

曉出東郊迴路穿桑柘林人耕新雨地寺隱半巖陰遠目窮  
天宇和風爽醉襟停驂願遺老同是勸農心



嘉祐壬寅歲三月二十二日

男降授朝散郎權知潞州軍州兼管內勸農事兼提舉澤  
晉絳慈遼州威勝軍屯駐駐泊就根本城兵馬巡檢公事  
設軍借紫 詔恭書

朝奉郎簽書昭德軍節度判官廳公事武騎尉賜緋魚袋  
喬世林填諱

建中靖國辛巳歲九月一日刻

按碑題河東轉運使尚書兵部郎中王舉元嘉祐壬寅歲  
三月二十二日男降授朝散郎權知潞州軍州兼管內勸  
農事兼提舉澤晉絳慈遼州威勝軍屯駐駐泊就糧本城  
兵馬巡檢公事設軍借紫詔恭書朝散郎簽書昭德軍節  
度判官廳公事武騎尉賜緋魚袋喬世林填諱宋史王化

基傳子舉元字懿臣賜進士出身知潮州爲河陰發運判官歷郡牧戶部判官京東轉運使徙淮南河東夏人來爭屈野地舉元從數騎度河設幕與之議示以赤心夏人感服治平中又徙成都俄進鹽鐵副使拜天章閣待制知滄州改河北都轉運使知永興軍神宗以細札諮攻守策舉元請省官減戍益備去兵輿論不合引疾求解徙陳州未行而卒官至給事中年六十二史言治平中自河東徙成都此碑題壬寅嘉祐七年則舉元以嘉祐末任河東與史合宋史舉元子詔字景獻用蔭補官通判廣信軍知博州元祐初權開封府推官出爲滑州爲度支郎中使契丹崇甯中由大理少卿徙司農御史論詔在滁日請蘇軾書醉翁亭罷主崇福宮不言知潞州此碑可補其闕碑見通志金石

記

和王舉元柏谷山詩

石高一尺三寸廣一尺六寸十  
四行行十字正書今在長治縣  
標啟陪

遊栢谷山院奉

命留題不敢率讓

都官員外郎通判軍州事韓標

附

驥遊僧刹天清曉色開園林噴雨過殿閣踏雲來日轉花陰  
薄山深磴道迴凭欄堪寫望隴麥翠如堆

嘉祐壬寅年三月二十二日

院主誦法華經沙門恣達立石

講律臨壇沙門恣齋書

樂安任宗達刻字

按此標和河東轉運使王舉元游柏谷山之作建中靖國元年王詔所書同游柏谷山碑可證都官員外郎元豐新官朝奉郎碑立嘉祐壬寅在未改官制前故題銜如此

狄青碑

碑連額高一丈一尺二寸廣四尺三十二行行九十字額題御策賜額四字均正書今在汾陽縣

宋故推誠保德守正翊戴功臣護國軍節度管內觀察處置節度使

特進檢校太尉同中書門下平章事行河中尹判陳

州軍州事兼管內堤堰橋道勸農使上柱國天水郡開國公食邑七千七百戶食實封貳仟壹伯戶贈中書令兼尚書令

諡武襄狄公神道碑銘

井序

翰林學士朝散大夫尚書禮部郎中知制誥充史館脩撰判昭文館知審官院提舉集禧觀公事上騎都尉長安縣開國伯食邑八百戶賜紫金魚袋臣王珪奉

勅撰

三司度支判官朝奉郎尚書刑部員外郎充集賢校理上騎都尉賜緋魚袋臣宋敏求奉

勅書

至和三年八月

上以樞密使護國軍節度使檢校太尉河中尹天水狄公同中書門下平章事出判陳州明年三月感疾於州未幾以薨聞天子震然轅規朝二日發哀苑中贈中書令太常諫行謚曰武襄既葬于汾之西河有

詔史臣以刻其墓隧之碑臣謹案狄始周成王封少子於狄

城因以為氏其後代居天水至梁文惠公乃大顯于有唐其子孫或徙汾晉間公實西河人贈太傅曰應之於公為曾王父是生真贈太師太師生普贈中書令其配曰充國太夫人侯氏公其次子也諱青字漢臣生而風骨奇偉善騎射少好將帥之節里閭俠少多從之初游京師遂補拱聖籍中寶元之初元昊叛河而兵出數無功公自散直為延州指揮使延帥知公敢行故常使當賊鋒凡數歲出大里清化榆林歸娘嶺東女之崖木圍山渾州川白草南安安遠等戰大小二十有五中流矢者八斬首捕虜萬有餘獲馬牛羊橐駝鎧仗符印車錙器物以數萬計嘗破賊金湯城至于乾谷三堆杏林原遂略宥州之境屠虓咩歲香毛奴尚羅等族燔其積聚數萬廬舍數千收其帳二千三百生口五千七百又城橋子谷



上間自言臣結髮起行伍願無以報國今遠夷跳梁不足為

陛下憂願將銳兵數千當羈叛蠻之

頸致之

闕下

上壯其言遂改宣徽南院使

宣撫荆湖南北路經制廣南盜賊事知檢校司徒

上親餞於垂拱所以臨遣之意厚甚先是蔣偕張忠等繼以輕敵失軍士卒莫有戰鬪志明年正月自桂林次賓州會廣西鈐轄陳曙以步卒八千潰于崑崙閔公即按曙以不應令并殿直袁用等三十一人咸以軍法誅之眾莫不惴恐既而頓甲軍中又下令且調十日之糧或莫能測賊使人覘吾軍而還黎明遂合三將之兵以行乃絕崑崙出歸仁鋪先自為陣賊果失守險遂悉其眾逆

王師以戰前鋒孫

節搏賊死山下賊乘銳斃吾軍公親執旗鼓麾騎兵縱左右



翼出賊非意時會暮賊前後不勝敵遂大敗馳騎追之斬捕  
二千二百級偽署黃師宓儂建忠等五十七人没于陣知高  
夜縱火城中而遁明日破賊入城獲金貝之物以鉅萬畜數  
千悉分其戲下招復老壯七千二百嘗為賊所俘脅者皆慰  
遣以歸又歛群屍築京觀于城之北隅初有衣金龍之衣又  
金飾神龍于楯仆其傍或言知高已死亂兵中有欲為公誣  
作奏者公曰安知其非詐也○失知高敢誣 朝  
廷以貪功邪二月班師遂 曲赦五嶺又布

德音至於江湖之南公還為樞密副使進位檢校太尉河  
中尹俄拜樞密使賜第城南一區子悉優以官公固謝曰賴  
陛下神靈出師大捷皆諸校力戰之功也臣之

諸子非有勤勞何敢拜

君命

上固

以寵之在樞密四年自以遭時奮用乃夙夜一心進圖

國事雖權幸不可撓以法

上累訪以邊幾

嘗從容陳所以攻守之計

天子深然之晚以盛

蒲為戒思避時柄遽終于陳州享年五十公為人慷慨尚節

義有大慮慎密寡言外剛重靜銳而內寬其計事必審中機

會而後發其行師必正部伍營陳明賞罰雖敵猝犯之無一

士敢後先者故常以少擊眾而所鄉無不靡與士同寒飢勞

苦而又分功與人未嘗自言安遠之戰方被創甚聞寇且至

即挺身以前眾莫不爭為用間嘗獨被髮面銅具馳突賊圍

中見者為之辟易今丞相韓公琦故資政殿學士范公仲淹

同秉武節經于西邊公時為裨將殊為二公見器仲淹又嘗

以左氏春秋授公以謂為將者不可不知書匹夫之勇無足

尚也公於是自春秋戰國至于秦漢以來成敗之迹槩而能  
通公為涇原招討起居舍人尹洙知渭州因與公善洙學通  
古今嘗與公談用兵之術稱曰雖古名將殆無以過其後洙  
以貶死為周旋其家事唯恐不及其徒真定道過故鄉謁縣  
先下車趨至令庭遂燕故老於簾下里中榮之公事親孝遭  
中令之喪雖衽金革之事而哀戚過人方秉樞於

朝奉究國太夫人膝下日舉觴于堂間又

天

子賜珎其家極榮養矣征南之日戒內外不以聞懼遺其親  
憂始行至邕會瘴霧之氣昏鬱中人或謂賊流毒水中且士  
飲者多死忽一夕泉湧于郊汲之甘冽遂濟其軍此非誠所  
感邪公薨之初

詔衛公匱歸殯京師其葬也

寵以鼓吹旌輅送於都城之西又

敕所過

郡治道上共具發材官輕車至于西河卜用嘉祐四年二月甲申之吉是歲以

拾饗恩加贈兼尚書令臣嘗

伏讀兵法曰以治待亂以逸待勞此善用兵者也又考前史之載將而持重有謀者其出靡不有功如武襄之西定靈夏南平嶠外未嘗不擇形勝整師徒先計而後戰遂摧兇陷敵名動殊俗為

國虎臣善夫臣洙以謂有古名將

之略豈誣也哉公娶魏氏封定國夫人六男長曰諒三班奉職蚤卒次曰諮西上閤門副使次曰詠內殿崇班閤門祇候次曰諲內殿崇班次曰說東頭供奉官次曰諫內殿崇班說諫蚤卒二女許嫁而卒孫曰璋左侍禁曰璫尚幼銘曰

汾晉之氣 蒙于崆峒 有如其人 武襄之雄 始來

京師 感慨從軍 以節自發 孰莫不聞 元昊畜姦

歸節塞下 西邊用兵 露甲在野 公出大里 至

子杏林 奇謀縱橫 以警戎心 上顧將帥 威名無

如 來汝陪子 秉國之樞 盜起南荒 乘邊弛防

陷邕圍廣 妖霧以猖 公於 上前 憤然請討 賊

失崑崙 膏血原草 還服在廷 越茲累年 夙夜迺

事 匪圖弗宣 將相出藩 年甫五十 公不復還

天子為泣 生莫與榮 沒莫與哀 旂常之載 其績

有來 有勤其初 有大其後 攷德於詩 以質不朽

嘉祐七年十一月二十六日建

中書省玉冊官臣張景隆奉

聖旨鑄并□□

按碑題翰林學士朝散大夫尚書禮部郎中知制誥充史館修撰判昭文館知審官院提舉集禧觀公事上騎都尉

長安縣開國伯食邑八百戶賜紫金魚袋臣王珪奉敕撰

三司度支判官朝奉郎尚書刑部員外郎充集賢校理上

騎都尉賜緋魚袋臣宋敏求奉勅書宋史王珪傳字禹玉

成都華陽人舉進士甲科通判揚州召直集賢院爲鹽鐵

判官修起居注接伴契丹使爲賀正旦使進知制誥知審

官院爲翰林學士

翰林書宋學士年表嘉祐元年十二月以翰林侍讀學士起居舍人拜二年

七月丁知開封府遭母憂除喪復爲翰林學士兼侍讀學

士

學士年表嘉祐四年十月復拜治平四年九月遷承旨

英宗在位之四年詔令兼

端明殿學士神宗卽位遷學士承旨熙甯三年拜參知政

事九年進同中書門下平章事集賢殿大學士元豐官制

行由禮部侍郎超授銀青光祿大夫五年正三省官名拜

尚書左僕射兼門下侍郎以蔡確爲右僕射八年進金紫

光祿大夫封岐國公五月卒珪以文學進流輩咸其推許  
其文閎侈瓌麗自成一家朝廷大典策多出其手詞林稱  
之碑立嘉祐七年正珪再爲學士時史所列洫職不備可  
據碑題銜補宋敏求傳字次道賜進士及第爲館閣校勘  
出簽書集慶軍判官王堯臣修唐書奏爲編修官同知太  
常禮院加集賢校理從宋庠辟通判西京爲羣牧度支判  
官出知亳州治平中爲仁宗實錄檢討官傳不言何年爲  
度支判官嘉祐五年六月曾公亮進新唐書表有太常博  
士集賢校理宋敏求宋文鑑有劉敞三司度支判官太常  
博士宋敏求可祠部員外郎制卽以修唐書進官制言度  
支判官與此碑合碑立嘉祐七年則是年仍任之證碑言  
至和三年八月上以樞密使護國軍節度使檢校太尉河

中尹天水狄公同中書門下平章事出判陳州明年三月

感疾於州未幾薨聞按宋史本紀嘉祐元年九月辛卯

大赦改元青罷在是年八月癸亥故仍稱至和三年長編

嘉祐元年八月癸亥樞密使護國節度使狄青罷樞密使

加同平章事判陳州二年三月庚子陳州言護國節度使

同平章事狄青卒皆與碑合碑言詔使臣刻其墓隧之碑

謹案狄始周成王封少子於狄城因以爲氏

今碑闕狄字據世系表補

其後代居天水至梁文惠公乃大顯子有唐其子孫或徙

汾晉間按新唐書世系表狄氏出自姬姓周成王母弟孝

伯封於狄城因以爲氏漢博士山世居天水後秦樂平伯

支裔孫恭居太原生湛

孫孝緒生知遜知遜生仁傑

曾孫仁傑相武后

碑所謂梁文惠公也按青不敢祖梁公而碑所述則似實



祖梁公者又仁傑祖已居太原而碑言其子孫或居汾晉  
間則似未知梁公卽居太原或時朝旨欲以梁公爲青重  
亦未可知宋史青傳字漢臣汾州西河人善騎射初隸騎  
御馬直選爲散直寶元初趙元昊反詔擇衛士從邊以青  
爲三班差使殿侍延州指使碑云補拱聖籍較傳爲詳東  
都事略青傳亦言後隸拱聖軍還爲散直宋史兵志建隆  
以來之制拱聖指揮二十一京師乾德中選諸州騎兵送  
闕下立爲驍雄後改驍猛雍熙四年又改拱宸未幾改今  
名碑云出大里清化榆林歸娘嶺東女之崖木園山渾州  
川白草南安安遠等戰大小二十有五中流矢者八斬首  
捕虜萬有餘獲馬牛羊橐駝鎧仗符印車鑼器物以數萬  
計嘗破賊金湯城至于乾谷三堆杏林原遂略宥州之境

屠噫咩歲香毛奴尙羅等族燔其積聚數萬廬舍數千收  
其帳二千三百生口五千七百又城橋子谷築招安豐林  
新寨大郎堡皆扼賊要害按大里河名武經總要延安有  
大理河去橫山不遠一統志在懷遠縣東南一百五十里  
清化砦名武經總要作青化太平興國中建控青化川口  
西至延州七十里渾州川地名武經總要延州唐徙吐谷  
渾部落立渾州寬州寄治川界卽渾州川寬州川也白草  
砦名屬綏德州一統志在清澗東北一百餘里黃河側安  
遠地名一統志安遠鎮在通渭縣東南天禧二年置金湯  
城一統志在保安縣西元符二年築招安砦名武經總要  
延州招安砦北接杏子河至橫山一路慶厯中築豐林縣  
名一統志魏延昌二年置熙甯五年省入虜施青領軍時

猶有是縣新寨武經總要延州新寨控延川東北潼遠川一帶太平興國中重修傳言以功累遷西上閣門副使擢秦州刺史涇原路副都總管經略招討副使碑云以功亟遷至秦州刺史涇原儀渭兵馬部署經略招討副使一言總管一言部署者宋以避英宗諱改部署爲總管碑撰嘉祐英宗未立故不曰總管而曰部署當從碑爲正儀州太平興國二年改義州爲儀州熙甯五年廢屬渭州青爲部署時尙未廢也碑言曩霄稱臣西陲少事以公爲捧日天武四廂都指揮使徙鎮定兵馬部署遷侍衛親軍步軍馬軍殿前都虞候歷惠州團練使眉州防禦使保大軍節度觀察留後遷步軍馬軍副都指揮使遂領彰化軍節度使知延州傳惠州團練在加捧日天武四廂都指揮後眉州

防禦在歷侍衛步軍殿前都虞候後保大安遠二軍留後  
在遷步軍副都指揮後馬軍副都指揮前按宋以部署等  
爲差遣如今之督辦軍務幫辦軍務總統統領國防留後  
爲正官如今提鎮副參傳就所蒞職前後序碑則差遣作  
一筆敘官作一筆敘故所列前後不同惟碑闕安遠當從  
傳宋史宰輔表皇祐四年六月丁亥狄青自彰化軍節度  
使知延州除檢校司空樞密副使九月庚午青宣徽南院  
使荆湖北路宣撫使都大提舉廣南東西路經制盜賊事  
辛未詔宣撫回日依前樞密副使五年二月癸未狄青以  
宣徽南院使復爲樞密副使五月乙巳狄青自樞密副使  
護國軍節度使檢校太尉河中尹兼御史大夫仍守前官  
充樞密使今以碑考之皇祐四年廣源州酋儂智高竊號

舉兵陷邕州又陷沿江九郡進圍廣州不能下還據邕公

抗章請行遂改宣徽南院使宣撫荆湖南北路

監本宋史表落南字

經制廣南盜賊事加檢校司徒又云明年二月班師還爲

樞密副使進位檢校太尉河中尹俄拜樞密使据表則河

中尹與樞密使同日除當從碑

宋史本紀皇祐四年五月乙巳朔智高陷邕州遂陷

燕賁等入州圍廣州續通鑑皇祐四年四月儂智高入寇五月乙巳朔破邕州僞建天南國僭號仁惠皇帝改年啟歷癸丑入橫州丙辰入貴州庚申入龔州辛酉入藤州又入梧州壬戌入康州癸亥入端州碑云陷沿江九郡宋史作入州碑云公以盛滿爲戒思避時柄遽終陳州校長數各不同

編諸書青罷樞使實爲劉敞所攻初言青家數有光怪請

出於外以保全之繼又極言外說紛紜雖不足信要當使

無後憂甯負青無使負國家碑云盛滿思避者立言之體

宜爾

今碑本遣使祭狄武襄記云負謗言於地下者謂劉敞語也

碑言今丞相韓公琦

故資政殿學士范仲淹同秉武節於西邊公時爲裨將爲

二公見器仲淹又嘗以左氏春秋授公又云公爲涇原招

討起居舍人尹洙知渭州因與公善嘗曰雖古名將無以

過按本傳尹洙爲經略判官青以指使見洙與談兵善之

薦於經略使韓琦范仲淹曰此良將材也二人一見奇之

待遇甚厚碑云公爲招討洙與公善然則狄青與洙善非

始於爲涇原招討當從傳其云今丞相韓公者碑撰嘉祐

七年正琦爲相時

宋史幸輔表嘉祐三年六月丙午琦自樞密使同平章事治平四年九月辛丑

琦判

相州碑又云卜用嘉祐四年二月甲申之吉是歲裕饗恩

加贈兼尚書令宋史本紀嘉祐四年十月癸酉大裕於太

廟大赦與碑是歲裕饗合碑云公娶魏氏封定國夫人男

諒諮詠譔說諫諒說諫早卒孫璋璠宋史本傳止言子諮

詠据碑則尚有諒謔說諫詒詠均見長編

詠又見蘇文忠集

文有

磨泐者據王珪華陽集補敏求工書又見西臺集祭宋龍圖文矧公字書有法而妍虞薛歐褚聲稱後先始也家學今而自然天子之作公實書之銘記表誦公書乃宜石半天下皆公之碑卽其證也碑見寰宇訪碑錄通志金石記

### 百福寺勅

碑連額高三尺七寸廣一尺五寸五分三截上截十行中截結銜四行下截州帖十二行行字均不等額題四字均行書今在平遙縣起山

### 尚書門下 牒汾州

大汾州奏准赦勸會到下項未有名額係帳存留寺院共八十四口乞賜額准

勅旨內平遙縣東泉村□□谷寺宜賜百福寺

牒奉

勅如前宜令本州繡錄

勅黃降付逐寺院依今來

勅命所定名額牒至准

勅故牒

嘉祐八年六月二十三日牒

戶部侍郎叅知政事趙

戶部侍郎叅知政事歐陽

中書侍郎兼禮部尚書平章事曾

門下侍郎兼兵部尚書平章事韓

州帖

准



右具口前令翻錄

敕黃帖平遙縣東泉村百福

勅令所口名額不得有違嘉祐八年七

口司戶叅軍張

口守錄事叅軍杜

權知團練推官李

權知團練判官傅

尚書都官員外郎通判軍州事劉

光祿少卿知軍州事向

按此牒與梵業寺牒大致相仿惟梵業有本寺僧記此則無之只刻尚書門下一牒平遙縣志百福寺在超山宋嘉祐八年勅賜額有牒卽此碑又云嘉祐八年百福寺牒尙

書門下奉勅賜額中有戶部侍郎參知政事趙戶部侍郎  
參知政事歐陽中書侍郎兼禮部尚書平章事曾門下侍  
郎兼兵部尚書平章事韓今刻本悉與志同按通鑑長編  
宰相韓琦曾公亮加門下中書侍郎禮兵部尚書以嘉祐八  
年夏四月參知政事歐陽修趙槩加戶部侍郎亦在是月  
此牒下於六月四人題銜均合又碑後有闕司戶參軍張  
闕守錄事參軍杜權知團練推官李權知團練判官傅尙  
書都官員外郎通判軍州事劉光祿少卿知軍州事向宋  
史向綜傳字君奉知隨鼎漳汾密棣沂七州官累中散大  
夫卒按宋史綜傳範從姪敏中之孫然則此題知軍州事向者卽向綜也  
碑見通志金石記

山右石刻叢編卷十三